

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشدور .

ممالك احصیه ده سنه لکی (۶۷)، الق
آیلر (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

مملکه موافق آثار مع الممنونیه قبول
اولنور . درج ایدله بن یازیلر احاده
اولونماز .



اخطارات

رساله خردن آلمدیغ کوستر ملک شرطیه
بتون یازیلر هر هانکی بر خزنه طرفندن
اقتباس اولونه بیلمیر .

مکتوبلرک، امضالرک واضح و اوقو ناقلی
اولمسی و آبونه صره نومروس محترمی
بولونمسی لازمه در .

ممالك اجنبیه ایچون آبونه اولانلرک
آدرس لریشک در انسرجه ده یازلمسی دجا
اولنور .

پاره کوئدرلدیکی، ان نه یه د ژاولدیغنک
واضعا بیلمیرلمسی دجا اولنور .

۱۳۳۰

جناب حق عادلدر . قیامت کوننده علمائیک، مرشدلرمزك اهللری البته
صوراجق واکاکوره حسابلرینه باقه جقدر . آنلرك، دین جلیل اسلامیق نشره
دیناً مأموراولدقلری حالده، آریه لق، القاب، صیرمه لی ینیش پشنده قوشیورلر .
اسلامیتك ترویجی اغورنده بر آدیم اتمدقلری کبی، تعیم وانتشاری ایچونده بر
کتاب یازمامشلدردر .

برطلبه، سنه سنك نصفنی دینجیلک وفودوله پشنده صرف ایدوب قالاتی ده
اعلال واعراب ایله کچیریرسه مسلمانلق اوندن خیرمی بکار ؟
البته هر صباح واقشام سوتلی چای وانواع کولباصدیلرله - کال رفاهله
امرار حیات ایدن - تغدی ایدن پاپاز افندی ده ائی چالشیر .

نه وقت بز، طلبه علوم دینیه مزی بورادهیه کتیریرسه ک، اوزمان فوز وفلاح
قابولری یوزیمزه قارشو آچیله جق وادراك سعادات دنیویه واخرویه به موفق
اوله جغز . یوق دینجیلکله ، فودوله حیلقله تأمین معیشت ایدن طلبه افندیلردن
خیر یوقدر . یا بوزواللیرك حیاتلرینه، معیشتلرینه، غدالرینه باقهلم ، تحصیللری
انتظامه قویهلم؛ یاخود بویچاره لری پهموده یره آلان بوواهیات آرقه سنده بوسفالتله
قوشمقدن قورتارالم . هیچ اولزسه برربقالیه دکانی آچسه لر ملته ده کارلی وخیرلی
ایشلر تأمین ایده بیلیرل !

ممالک شرقیه ده عیسوی ترویج ایچون حصر مساعی ایدن میسیونرلرک
تشبثات فعالانلری سایه سنده، شو ایکی سنه ظرفنده آفریقاده ، بورالرده ،
چینده اون آلتی بیک کیشی خرسیتیانلقی قبول ایتشلردر . بو ایسه رسمی
ایستاتستیکلرله ثابتدر . ایشته بو مدهش یکونی خواجه لرمن ، صاریقیلرمن
اوقوسونلرده ایستلرله آغلاسونلر . شیمدی انسان هانکیسنی تقدیر ایدر؟
بزم مسکینلری، یوقسه میسیونرلری ؟

ایستلرله ، بزمکیرلری تکفیر ، تلغین ایتسونلر ، بن ادعا ایده بیلیرم که
اسلامیتی بزباتیردق، بوحاله کتیردک . میلیونلرجه مسلمانلری کندی حالته براقدق .
تلقینات ، ترویجات، نشردین شویله طورسون، ده قرآنمزی ، تورکجه به
آدم عقلی ترجمه ایدن اولمامشدر . کندی کتاب دینسنک معناسی ، مضموتی
آکلامایان برکنجک دینداراولسی ممکنمی؟ دینک حکم ومعالیاتندن، فلسفه سندن،
بوآنهدر کیم بحث ایتش ویاخود ایده بیلمشدر؟ ایشته بونلری بیلیم کنجیلر
برر بر الزدن چیقوب کیدیور . بزم علما طبقه سنک کیرلی، پزمرده قیافتلری
کورن تمیز، مذهب برکنج هیچ آنلره یاقلاشیرمی؛ او دایما آنلری عالی سویه ده
آرار، کورمک ایستر! اصل علت ، خسته لنی بونقطه لرده، بو احوال روحیه ده
اراملی، بوللی، چاره سنه باقلیدر . یوقسه اصلاحات ایچون قومیسون تشکیل
ایتمک ، محتویاتی اجرا ایدلین پروگراملر یازمق هرکسک کاریدر .

بن بوراده میسیونرلرک فعالیت قارشوسنده مسلمانلرک پریشانلغندن ،
زواللی لغندن اودرجه متأثر اولدم که کونلرجه آغلادم ، یاشلرمی قلبه آقیتدم .
بونلری یازدم که، برآزده باب مشیختک قبا دوشکرلنده مریع نشین عطیات اولان
علمای کرامک کیفلری قاجسون . فقط متأثر اوله جقلری هیچ ده ظن ایتم .

کوش اگر کوش تووناله اگر ناله من،
آنچه البته بجای نرسد فریاد است !

سیلان اطه سی: قولومبو
س . م . توفیق

آناتولی سبار مخبر مختصر مضمونه :

کویلونک حیات اجتماعی و اقتصادی سی

ینه بوهفته وجود اسلامی چوروتن چیبانلردن برنی ده شه جکم.
چونکه آرتیق تحمل قالمدی ؛ برآز ده بوحال دوام ایدرسه اسلامک
اوقوتلی بنیه سنی چوکدیرن ، اونی قدید بر حاله صوقان مستولی
میقروبلرک - معاذاه - زهرلری قلبه ایصال ایلملردن قورقولور .

اسلامک ائی وصا غلام بر دین اولدیغنی آکلایان ونیلر، اره صیره کندی آرزوی
وجدانلریله اسلامیق قبول ایتکده وبوحالریله خرسیتیان میسیونرلری حیرتله
القا ایتکده درلر .

مع التأسف بوامنیه نك حصو لیچون برپاره وقف ایدن تک برمسلمان بولمدیغنی
حالده ، الیوم آمریکا ، اروپا وانسکیز اغنیاسی خرسیتیانلک توسیعی ایچون
میلیونلرجه صرف ایتکده درلر .

اوقاف مسلمینک عائداتی ایسه، هپ بر طاقم تبدل، تن پرور، شهوت پرست
کیمسه لک جینه کیرمکده وبویوزدن دین مبین ایچون برپاره لق فائده ومنفعت
تأمین ایدیله مامکده در .

یازیق اولسون مسلمانلره! طوغریسی بن بوحالری - خرسیتیانلک زورله،
پاره قوتیله، نفوذ حکومتله ایلروکتیدیکنی - کورونجه قان آغلایورم . بوراده کی
مولولیر - علما اوله جق حریفلر - بزم خواجه لردن بیک قات اجمل ومنفعت
پرستدرلر ، اسلامیق اولیله فنا برحاله صوقشلدردر که، یواش یواش بت پرستلک
سوق ایدیورلر .

مثلا قولومبو وسیلان آطه سنده قواعد اسلامیتک طوغریدن طوغری به
علیه نده بولان (دراخومه) عادی جاریدر . بوسیته یی اورتهدن قالدیرمق ایچون
یرلی مولولیر هیچ بر تشبثده بولونمامشلدردر . الیوم بومبای ومدراسده ،
هندستانک مان هرطرفنده اسلامیت ایله هیچ برعلاقسی اولیان اوقدر ایکرنج
وفنا عقیده لر واردر که ، جمله سی احکام دینیه حکمنی آلمش، علمای محلیه ایکی
پاره لق منفعت دنیویه لرنی اخلال ایتماک ایچون مذکور حاللره قارشو اختیار
سکوت ایتشلردر . طوغریسی بومسکین حریفلرله کوتو اخلاقلری کورن برآدم،
دیگر طرفده برمیسیونر پاپازینک - صرف خرسیتیانلک توسیعی ایچون - فعالانه،
ساعیانه تشبثلری کورونجه یأسندن چیلدیره جی کلور .

بوخصوصده ده جدی برشی یازدم . چونکه قیصه کسمک ایشمه کلیر .
انشالله استانبوله عودتمده بوراده کی میسیونرلر حقنده کی مشهوداتی آیری بر
کتاب ایله نشر ایده جکم . اوزمان محترم قارئلم میسیونرلرک اعمال وتلقیناتنه
دائر مذکور کتابده ده مفصل معلوماته تصادف ایده جکلردر .

عاجزانه اوله رق عرض ایدیورم که:

باب مشیخته ، اوقاف نظارتی ارتق بویکی ایشلرله یواش یولکش اشتغال
ایتیدرلر . صرف کاغذ ییغینلریک حواله سیله اوغراشمق کافی دکلدردر. اسلامیتک
جمله من اوزرنده برحق عالی، معنویسی واردر که، هیمز بونده قصور ایدیورز .
باشده علمائمن، اغنیائمن، درویشلرمن ، تکیه جیلرمن ، صوفیلرمن ، حکومتمن ،
خواجه لرمن، دهاصایه می؟ حاصلی هرفردمن مقصرز . یازیق، ابواه، افسوس،
صد هزار افسوس !!

کندی دینک معالیاتی بر بوذا رئیس روحانی قدر نشره چالیشمایان بر
خواجه افندیک موجودتی بز مسلمانلره نه فائده ویرر .

اوتوز سنه (ضرب زید عمرو) اوقور، اک صوکره ایکی سطرلق برعربجه
کتابی اوقوبوب، اکلاته من . علم وشریعت بونلره بومسکینی اوکرتیور . بودور
اتباه ومجاهده ده بوحالره ملت نجیبه عثمانیه وارقتیله بر چاره صلاح بوللی در .
چونکه کندی پاره مزله، کندی سعیمزله کندی میزی عالمه مسخره وکوننج ایدیورز .
میسیونر پاپازلری قدر هیچ اولمازسه علوم وفنون جدیده والسنه اسلامیه واجتیبه
ایله مجهز خواجه وامام افندیلرک تجهیز وتهذینه چالیشلم . یوقسه اوقاف ومشیخت
قابولری چیوئیلی بز .. زیرا فائده یرینه مضرت کوریورز .

هله کندیسنی خلافت اسلامیته نك ممثلی عد ایدن عثمانیلر شیمیدین خواب
کران غفلتدن اوپانوب، اسلامیتک - آفریقا، هندستان، جاوا، سومطره، مالایا،
چین وزاپونیاده - نشرینه چالیشمیه جق اولورلرله (معاذالله) میسیونرلر بر عصر
صوکره یر یوزنده تک بر مسلمان بیراقیه جقلردر .

باب مشیخته اوقاف نظارتی ، سائر ممالکده بولنان ، یشایان مسلمانلرک
اوضاع واطواری حقنده هیچ بر معلوماتلری یوغیکن، آمریکا وانسکیزه میسیونر
جمیترینه هر سنه دکل، هر آیده بورالردن متعدد راپورلر، ایستاتستیکلر کوندریلر .
میسیونرلک عاند بوآنهدر یازیلان کتابلر بر آرمه به کتیراسه بویوک برکتانجه نی طولیدر !

بزم علمای کرامت استانبولده سیاست باطالقلری ایچنده جبهلری
چامورلاتیرکن؛ یاخود عصامک، عبدالغفورک فائده سز مناقشه لریله عمرلری
چوروتورکن بریده مسلمانلر رهبرسزک، ارشادسزلق یوزندن کوندن
کونه دوشیور، سنده سنهیه منقرض اولوب کیدیور. طیشاردن، ایچردن
مدهش براسیلایه معروض قالمش، قارشو طورده مایورلر، استنادکاهسزاق
کندیلری مغلوب ایدیور، اوقوجه سیل بوچورچوب کتله سنی سیلوب
کوتوریور.

بویله می اوله جقدی، امتک رهبرلری بودرجه وظیفه لری اونوته جق،
بومرتبه غفلت دریاسنه دالاجقلر میدی؟ بونک وبالی عظیم در. کوچک
برخوجه دن طوتکز، تا ک بویوکنه وارنجهیه قدر بوتون علمای اسلام
- یعنی بوتون اصحاب عمامه - ملتک بوانخطاطدن مسؤلدر. طوغروسی،
بن علمای کرامتک بودرجه همتسز لک لری، غفلت لری تصور ایده میوردن.
سیاحته چیققدن، کوی بکوی اناطولی بی جولانه باشلادقن صوکر
بوالیم حقیقتله واقف اولدم.

شمی باقکزر علمانک بوهمتسز لکی، بوغفلتی نه کبی احوال فجیعه بی
انتاج ایتش: باشلرنده بر مرشدن، بررهبردن محروم قالان کویلو
یا بر اناستاشک، یا بر نیقولینک پنجه سنه دوشمشلر، اوراده قانلری
أمیله أمیله نهایت اویله برحاله کشلرک، کوروبده اغلاماق ممکن اولمایور.
بومستولی میقروبلر سنه لردنبری اسلام کویلولرینک اخلاقی، روحی
کیرمشلر؛ نجات فطریه سنی بوزمشلر؛ فضیلت نامنه، مزیت نامنه
نه سی وارسه اوکا کوز دیکه رک محوینه اوغراشمشلر؛ حاصلی الدن کله.
بیلن بوتون فناقلری یامشلر.

تحقیق ایدرسه کز، واقف اولورسکزکه: بوندن شوقدر سنه اول
بوکوی فضائله، اخلاقیه، شهادتیه تام معناسیله براسلام یوردی ایتش. صوکر
کونک برنده یوراده براناسطاش، یاخود برنیقوی پیدا اولیور. شوراده
بربقال دکانی آچیور: بش، اون اوقه برنج؛ بش، اون اوقه شکر؛ برآز
طوز، بیبر... تدارک ایدیور. اولا کندیسنه اهمیت ویرن اولماز. فقط
برمدت کچنجه نیقولینک دکانی جاییر جاییر ایشله مهیه باشلار. اوزمان نیقوی
دکانک کوشه سنه بر فیچی، بر قاجده باردق یرلشدیرر. احمد اغانک
اوغلی کوربوز دلیقانی شکر آلتی ایچون کلیر. بونلری کورور، صورار:
— بونلر نه در نیقوی چورباجی؟ ..

— آغام افندم، بوکا امام صوبی دیرلر. پک خوش، پک کیفی در.
آزاجق طایک زده باقکزر نه قدر کوزلدر!

دلیقانی طاتار، آغزینی بوروشدیرر؛ براقیر. فقط نیقوی یاقه سنی
براقیرمی؟ ایکنجی، اوچنجه دفعه ده مطلق بر یودوم اولسون دلیقانی یه
ایچیرر. دیرکن برمدت صوکر اسلام دلیقانیسی کیفنمه یه باشلار.
برکره احمد اغانک اوغلی کیفه باشلادی می، ارقداشلری محمد
اغانک، حسن آغانک اوغللری ده اوکا رفاقده کچیکمزلر. یواش یواش
بوتون دلیقانیلر بویوله دوکولور. آرتیق ایش مجرای طبیعیه سنی
بولیور. نیقولینک فیچیلری طولوب بوشالیور. درت، بش لیرا

ایله کویه کلن نیقوی ایکی، اوج سنه صوکر بر او تدارک ایتش،
سرمایه سنی بویولمش، یونان دوتماسنه اعانه کوندرمه یه بیله
باشلامش بولونیور.

آرتیق نیقوی کویک چورباجیسی در، بانقه سی در. کویلو پاره
لازم اولورسه اوکا کیدر، برشی ایجاب ایدرسه اونک وساطتنه مراجعت
ایدر. دفترده هر اغانک حسابی واردر. هر شی باد هوا! کویلی بش
پاره ویرمه دن هر ایسته دیکنی آلیر، دفتره کچیرتیر، نیقولینک فضله
یازمایه جغه اعتمادی واردر! صوکر! وقاتکه خرمن زمانی کلیر، چورباجی
خرمن باشنده بکلر. بری ایکی، ایکی یی درت یازان نیقوی دفتر النده
محصولاتی طوبلار.

شیمدی بش اون سنه صوکر نیقوی مرکز قضاده بویوک برذخیره
تجاری در. آرتیق بقالقله اوغراشه من. اونی عمجه سنک اوغلی اناسطاشه
ترک ایتشدیر.

ایشته بو صورتله میدانه چیقان نیقولیلر، اناسطاشلر بوکون
اناطولینک بوتون ساحل ولایتلری خراج آلتنه آلمشدر. هیچ بر
کویلی یوقدرکه انلره بورجی اولماسون، محصولاتنک همان هپسینی
بونلره ویرمسون.

کویلی دانی عشرته ده باشلامش سه بر قاج سنه صوکر اوج درت
دویم ترلاسنی ده نیقوی یه فراغ ایدر. فقط یه بورجدن قورتوله ماز.
آرتیق بوندن صوکر بوغاز طوقلغه نیقوی چورباجیسنک بنده سی
اولیور.

قیزغین کونشک یاقیچی حرارتی آلتنده حسن دای نیقولینک
ترلاسنی سورر. علی الاکثر قوری چاودار اکمی، بعضاده براز
ایمانسز پینیرایله عمرینی کچیرر. حسن دای غدا سزاق یوزندن وجوددن
دوشر، بر صیصقه اولور. نظرندنه دنیا بر دار محنت وبلا کسلیلر.
ایکی یاقه سی بریره کله یین کوملکنک مرحمتسز لکی طولایسیله کونشک
یاقدینی، قرار تدینی قدید کوکسنه باشکزی قویوب زوالیلرینک قلبی
دیکله بکزر، باقکزر سزه نه نوحه لر؛ حیاته قارشو نه شکوالر ترنم ایده جکدر.
بن چوق عمجه نک بوکریه لرینه اشتراک ایتدم، بوداغ دروننه همدرد اولدم.
فقط بیچاره؛ کندینی بو حاله کترین اسبابدن، عواملدن بی خبردر.
اونک روحی، حیاتی کیرن میقروبی بیله میور، کوره میور. اوکا هله
یونانی چورباجیسی حقنده برشی سویله یکزر، باباسنه تجاوز ایتش کبی
سزه حد تلیر. چونکه نیقوی اونک بوتون حیاته حاکم اولمش،
بوتون روحنه نفوذ ایتشدیر. او درجه که عائله بیننده، مشلا قاری
قوجه آرهنده بر نزاع اولسه آرملری بولق ایچون نیقوی یه مراجعت
اولنور. ذاتاً حسن دایینک قاریسی ده نیقولیدن قاجاز. اولی
نعمت لری، اک بویوک «صاغدیچ» لری [۱]، عزیز دوستلری در.

او، اوه مسافره کلدیکی زمان نه قدر حرمت کورور! اوده همان
بر تلاشدر باشلار. بوتون خانه خلقی کمال عبودیتله چورباجی بی
[۱] اناطولی کویلیلری عزیز دوستلرینه صاغدیچ دیرلر.

آوروپاده بر نوع حیرت و تعجبی موجب اولدی . فی الحقیقه عقد صلحدن هنوز بر قاج کون اول مذاکراتک تأخره اوغرامش اولدینی ، یک بطی بر حالده دوام ایدرهک یاقین بر زمانده نتیجه پذیر اولاجنی امید ایدله دیکی محقق در . حتی بعض محافلده مذاکراتک انقطاعه اوغرایه جنی ، بزمله یونان آراسنده یکی بر محاربه نک ظهور ایده جکی فرض ایدیلوردی . فقط ایشلر آتی دینیله جک بر سرعتله باشقه بر جریان آلدی ، نتیجه معلومه یه منجر اولدی .

ایشته وقایعک بویله جه غیرمنتظر بر شکلده جریان ایش اولمه سیدرکه رومانیا حکومتنه بیوک بر تأثیر اجرایی اسناد ایدلمکده در . ظواهر احوالده بو اسنادی بر درجه یه قدر تأیید ایتکده در . بزمله یونانستانک آراسی یک صغوق اولدینی ، مذاکراتک عطالته اوغرا دینی بر زمانده رومانیا داخلیه ناظری « تا که یونسقو » نک استانبول طریق ایله آتیه سفری وقوع بولدی . مشارالیه استانبولده توقف ایتدیکی آز بر مدت اثناسنده عثمانلو داخلیه ناظری طلعت یک افندی ایله کوروشدی . بالاخره آتیه یه مواصلت ایتدکدن سوکره اوراده عثمانلی صلح مرخصی بولنان غالب کمالی یک افندی ایله ملاقات ایله دیلر . عینی زمانده بالطبع یونانستان رجال دولتی ایله کوروشیوردی . ایشه بتون شو ملاقاتلرک نتیجه سی اولارق بزمله یونانستان آره سنده صلح بر صورت فوق العاده ده چقیویوردی . هر ایکی طرف اسکی مدعیاتلرنده متقابل فداکار . لقلرده بولنه رق بالنتیجه صلح امضالندی . بو مناسبتله صلحک شرف عقدی ده رومانیا حکومتنه عطف ایدله یه باشلادی . بو کون آوروپا افکار عمومیه سنده رومانیایه بالقانلرک ناظم و حاکمی نظری ایله باقیلمه یه باشلاندی . رومانیا ناصیل که بکرش قونفرانسی ایله بالقان حکومتلرینک محاربه لینه نهایت ویردی ، کویام داخله ها کمانه سی ایله عثمانلی - یونانستان منازعه لرینه ده ختام ویرمش اولدی . شو ادعا یالکز بر درجه یه قدر دوغرودر . فی الحقیقه یک دیگرینه قارشی بغض وعداوتله مالی اولان بالقان حکومتلری آراسنده رومانیایه بر درجه یه قدر حاکمق رولنی اوینایه بیلر . رومانیایه قوتنک هر هانکی بر طرفه میل ایته سی اوطرفه تفوق و غلبه یی تأمین ایدله بیلر .

فقط بو حال یالکز بالقان حکومتلرینه عائددر . بزه کلنجه وضعیت باشقه بر شکل آلیور . رومانیایه حکومتی بزم اوزریمزه اجرای حکم و تأثیر ایدره جک هر نوع واسطه و قوتدن محرومدر . بزی تضییق ایدله یه جک هیچ بر طریق مالک اولمه دیفنندن باشقه قوای موجوده سی ده بوکا کفایت ایدره جک درجه ده دکدر . بوندن ماعدا رومانیایه بوکی وسیله و قوته مالک اولسه بیله بزی تضییق ایتک آنک منفعتی اقتضاسندن دکدر . بناءً علیه رومانیانک بزم اوزریمزه اجرای نفوذ ایدرهک صالحی تأمین ایش اولدینی ادعا ایدنلر آلدانیورلر . شرائط صلحیه نک مطالعه سی ده بوجهتی اثبات ایدر . هر نوع اهمیتدن عاری اولان متولیلره عائد مسئله دن باشقه یونان حکومتی بزم بتون مدعیاتمزی قبول ایش بولندی . ذاتاً اولجه سویله دیکمز وجه ایله مشارالیه حکومت

قارشیلار . اک باش طرفه اوطورتولور . البته اک قیمتدار شیلر سربیلر . توتون تقدیم ایدیلر ، اوجاغه جزو سورولور ، طاویه قهوه قونور . [۱] کویلورک ، قاریلری ، قیزلری خدمت ایتیه باشلار .

بن بالذات بوغریب حالی کورونجه سیکیرلاندیم ، مسلمان بردایی یه : — یا هو ؟ بونه حالدر ؟ سز قاریلرکزی ، قیزلرکزی بو چوربا - جیلردن نیچون صاقلاما یورسکز ؟ دیه صوردم . حریف نه جواب ویرسه بکه یورسکز ؟ دیدی که : — خرسیتیانلره نکاح دوشمز ، اونک ایچون !

جهلک بو درجه سنه دوداقلرمی ایصیردم . زوالیلر ، باقیلمه یه باقیلمه یه نه حاله کلشیر . ویرکو ایچن کلن تحصیلداردن ، یاخود عسکر ایچون کلن ژاندارمده دن باشقه هیچ بر حکومت آدمک - مثلاً بر قائم مقامک ، بر متصرفک - یوزینی کورمه مش ، طاتلی سوزینی ایشتمه - مش ، اتفات و تشویقنه مظهر اولماش . رمضانلرده صدقه فطر طوبلامق ایچون کلن هکبه لی خواجه افندی دن باشقه هیچ بر مرشدک ارشادینه میسر اولماش : اونک مرشدی (!) ده ، حامی شفیق (!) ده هپ نیقولی اولمش ! اونک ایچون نیقولی یه قارشی قلبنده کی مربوطیت زوال ناپذیردر .

بریده « فاتح » ده رحله باشنده کال جدیدله خوجه افندی یانه یاقیله « قال نک اصلی قول » اولدینی سنه لجه اکلایوب طورسون ، بوراده اسلاملر کوندن کوندن جهله دالیور ، سنه دن سنه یه نسللر منقرض اولوب کیدیور .

ای امتک رهبری ، مرشدی اولان علمای کرام ! امتی بو حالده بر اقدینگزدن طولایی بیلسه کز نه قدر وبال عظیم ایچنده سکز ! .. بونی تقدیر ایچون الله سزه ادراک و اذعان ویرسه ییدی ، امینم که حجا - بکزدن بر دقیقه حضور امتده طورمه ماز ، یرک دینه کچر دیکز ... فقط یازیقلر اولسون که ، بو حاللری کوره جک کوزکز ، ایشیده جک قولانگکز قالماش ! .. فریاد ازین نوع وجود عدم آلود ...

باندیره : عمر فؤاد

[۱] اناتولی کویلرنده عادتدر : بر مسافر کلدیمی ، شهرلده اولدینی کی ، حاضر دوکولش قهوه قولانمازلر . در حال مسافرک یانه کلیرلر قهوه یی طاویه قویارمق قاوورورلر ، دکرمنده چکرک تازه تازه سالارلر ، مسافره تقدیم ایدرلر .

سیاسی

اجمال سیاسی

صوک اجمالزدنبیری وقوع بولمش اولان حادثات سیاسییه آراسنده اک مهمی البته که عثمانلو - یونان مذاکراتک صلحه منجر اولمه سیدر . بو واقعه غیر منتظر بر زمانده وقوع بولدیفنندن کرک بزده ، کرک